

BE.156. JESUS PARMAHAN I (F=1)

=====

B.E. 156 JESUS PARMAHAN I

1. Jesus, Parmahan i Sinuru ni Debata
Manogu jolma i Marhite sian hata
Na sintong, na ture Tu hangoluan i
Dipuji sasude Huria goarMi.

2. Naung dipatolhas Ho Hatam tu siseanmu
Antong, nasida do Muse parhiteanmu
Lao pararathon i Tu liat tano on
Ai harajaonMi Naeng lam bidang tongtong.

3. Manang di dia pe Ojak harajaonMu
Sai naeng tongtong ture Sude nirajaanMu
Naung dipabangkit Ho Pandita, guru pe
ParmahananNa do HuriaMi sude.

4. Antong asi rohaM Sai pargogoi nasida
Huhut pasaut hataM Dongani ma nasida
Mangaradoti be Hapanditaon i
Tu hami on sude Pasonggop dameMi.